

醫方

陽和湯

熟地黄一兩。麻黃五分。鹿角膠三錢。白芥子二錢。炒。
研肉桂一錢。生甘草一錢。炮薑炭五分。不用引。此方
主治骨槽風。流注陰疽。脫骨疽。鶴膝風。乳品結核。石
疔。貼骨疽。及漫腫無頭。平易白陷。一切陰凝等證。麻
黃得熟地。不發表。熟地得麻黃。不凝滯。神用在此。

陽和丸

肉桂一兩。麻黃五錢。炮薑炭五錢。共研細末。麝香爲



丸

醒消丸

乳香沒藥末各一兩麝香一錢五分雄精五錢共研和取黃米飯一兩搗爛入末再搗爲丸如羅蔔子大曬乾忌烘每服三錢熱陳酒送服醉蓋取汗酒醒痛息

庫黃丸

醒消丸內除去雄精加西牛黃三分如前法用飯一兩爲丸凡患乳蟲瘰癧痰核橫痃流注肺癰小腸癰

毒每服三錢。熱陳酒送下。患生上部。臨臥服。下部
空心服。

小金丹

白膠香。葶烏。五靈脂。地龍。木鼈。各製末一兩五錢。沒
藥。歸身。乳香。各淨末七錢五分。麝香三錢。墨炭一錢
二分。以糯米粉一兩二錢爲厚糊。和入諸末。擣干。捶
爲丸。如芡實大。此一料約爲二百五十丸。曬乾。忌烘
固藏。臨用。取一丸。布包。放平石上。隔布敲細。入杯內。
取好酒幾匙。浸藥。用小杯合蓋。約浸一二時。以銀物

加研熱陳酒送服。醉蓋取汗如流注初起及一應咬
核癰癰乳品橫透初起服消乃止。幼孩不能服煎劑
及丸子者服之甚妙。如流注等證成功將潰潰久者
當以十丸作五日早晚服服則以杜流走患不增。用
但內有五靈脂與人參相反不可與有參之藥同日
而服。

子龍丸

針遂大戟。必要按法精細法製為粉。曰芥子炒磨為
末。各等分煉蜜為丸。日服三次。每服淡薑湯送服二

分忌與甘草之藥同日而服

觀音救苦丹

硫黃三錢。硃砂二錢。共研入銀器。鎔化。離火入麝香一錢。調和。預以油紙鋪地。以藥燒紙上。取爲米。小瘡取一粒放患處。頂火點卽然。立刻燒過。膏掩。次日愈。

洞天救苦丹

取露天有子蜂窠。鼠矢尖者。青皮。棟樹子。立冬後者佳。瓦上炙存性。爲末。等分。配準研和。每取三錢。陳酒

送服服後要隔兩日再服

大棗丸

用山羊矢曬乾入鍋炒炭存性悶熄磨粉收藏每遇
久爛不堪將見內腑者以大棗去皮核先搗爛如泥
然後入前粉捶至成丸每服四錢黑棗湯送服

回疔散

土蜂巢有子者一兩蛇蛻一條泥裏火煨存性爲末
研和聽用

拔疔散

硝砂白丁香輕粉乳香蜈蚣各一錢血竭麝香各一錢金頂硃六分均製爲末取蟾酥一錢酒化和搗爲丸如芥子大宜帶長以便插入疔孔

奪命湯

銀花○草○河○車○赤○芍○細○辛○蟬○蛻○黃○連○殭○蠶○防○風○澤○蘭○羌○活○獨○活○青○皮○甘○草○等○分○

聖靈丹

眞珠西牛黃冰片各一錢琥珀四錢硃砂三錢石鍾乳二錢各製研分入飛麝四兩研和每服取末五分



煎土茯苓湯調合。再以湯送服。服無不愈。但石鍾乳、真珠、牛黃三物價皆貴重。不可輕減分兩。

三黃丸

熟大黃三兩。乳香沒藥末各一兩。雄精五錢。麝香一錢五分。西牛黃三分。以熟大黃酒浸透。入碗隔湯蒸。候擣爛。然後以乳沒雄麝西五末和入。再擣千捶。爲丸如梧子大。每服五錢。此丸專治懸癰紅腫熱毒疼痛。大癰楊梅廣瘡結毒。火毒等證。連服十次。甚險全愈。



五通丸

廣木香五靈脂麻黃沒藥乳香各淨末等分用飯燒
爛人末可搗爲丸如梧子大另以芎歸赤芍地黃
草等藥煎湯送丸五錢凡大癰生於要緊穴道將
發威之際服此甚效如與三黃丸閒服更妙

蟾酥丸

寒水石三錢血竭沒藥膽礬乳香雄精銅青穿山甲
僵蠶全蠍酒炒各一錢硃砂枯礬阜角刺冰片輕粉
紅礬各三分蜈蚣去足三錢各製爲末用蝸牛二十

一箇蟾酥三錢酒化共搗爲丸如綠豆大金箔爲衣
每用葱白裹一丸敲碎酒服醉蓋取汗小癰初起服
卽全消白疽忌用

梅花點舌丹

沒藥。礪砂。藤黃。熊膽。乳香。血竭。葶藶。大冰片。沉香。各
二錢。蟾酥。麝香。各二錢。破大珠子。三錢。硃砂。牛黃。各
二錢。各製爲末。摘出蟾酥。以人乳化開。入末和搗爲
五百丸。如綠豆大金箔爲衣。凡紅腫癰癰初起。取一
丸入葱白內打碎。酒吞蓋暖取汗。三箇時毒消而愈。

紫金錠

山慈姑去皮淨文蛤去末淨各三兩麝香一兩二錢
干金子去油淨大戟洗淨焙各一兩共爲細末研極
細爲度以老米糊和勻入臼中杵干捶成膏作錠醋
磨塗毒消腫化服通節竅消熱痰

勝金散

人參三七磨粉米醋調塗患消痛息潰者乾敷立愈
刀斧傷

五音錠

雄黃熊膽京墨硃砂各一錢麝香五分牛黃一分生
將京墨研粉用酒少許化之再入熊膽研膩後入諸
末共研作錠凡遇紅腫惡毒水磨以新筆蘸藥圍患
中空毒頂乾再圍圈至全消初起者無不神效白疳
忌此

一筆消

大黃二兩藤黃一兩明礬蟾酥五錢麝香乳香沒藥
各二錢用蝸牛搗爛作錠小瘡空出瘡頂取錠醋磨
新筆蘸藥圍乾再圍圈至瘡消方上

咬頭膏

銅青。松香。乳香。沒藥。杏仁。生木。鼈粉。蓖麻仁。等分。已
豆。不去油。加倍。搗成膏。每兩膏內。加入白礬一分。再
搗勻。臨用。取綠豆大一粒。放患頂。用膏掩潰。即揭下。
洗淨。換膏貼胎前產後。忌用。

代刀散

皂角刺。絲黃芪。各一兩。炒。生甘草。乳香。各末五錢。每
服三錢。酒服立潰。

紫藥

昆麻仁搗爛如泥鋪絹上絹照患大又取一絹蓋上
然後隔絹紫上能拔其毒能止其痛惟紅痛非常者
不得已用之如胎前產後婦人及患色白者忌用此
即如千捶膏內有蓖麻仁鯽魚膏有巴豆二物提拔
之力甚狠如孕婦紫即墮胎白疸紫則成功惟無孕
婦人及男子可紫痛止即去

山蓮散

大活鯽魚一尾破腹去雜以山羊矢塞實魚腹放瓦
上漫火炙乾存性研末加麝香一錢固貯如爛潰不

堪與內腑止隔一膜者用此撒上奇功立見

象皮散

豬身。前蹄。扇骨。煨炭。研粉。十兩。加入。象皮。炙炭。存性。一兩。共為。極細。末。凡。遇。爛。孔。如。掌。之。大。者。以。此。撒。上。至。孔。收。小。後。用。六。和。散。敷。此。藥。能。愈。刀。傷。跌。損。出。血。

六和散

海。螵。蛸。龍。齒。水。飛。象。皮。炙。存。性。研。極。細。血。竭。乳。香。輕。粉。各。等。分。加。研。極。細。或。乾。撒。或。熬。雞。子。油。調。拂。

推車散

推車蟲卽羌蝦炙研細末每一錢人乾薑末五分研極細專治多骨用吹孔內內有骨次日不痛白出次過周時無骨出則知肉無多骨也

五寶散

人指甲五錢用紅棗去核逐枚包甲以長髮五錢細紫棗同象皮薄片五錢入瓦上炭火炙鎔成團存性取出研粉加麝香一錢冰片三分固貯生肌速效

拔毒散

芭豆霜一錢。雄黃一錢。冰片五分。麝香一錢。共爲細



粉取撒膏上貼則拔盡毒氣。使無後患。胎前產後之婦忌用。

合掌散

硫黃一兩。鐵鏽一錢。紅硃六分。共研極細如麴。取葱汁調和塗入大碗內。勿使厚薄。以碗覆於瓦上。取艾置碗下熏藥。藥得熏乾。敲藥碗聲。同空碗無異爲度。取藥再研極細。每遇滿身癩疥及腎囊痒。用藥一錢。可敷數次全愈。臨用以右手中指羅紋黏滿香油。再在包內黏藥。塗入左手心。合掌數磨。止有藥氣不見。